

諸佛要集經卷上

西晉三藏法師竺法護初譯

莫六

聞如是一時佛遊摩竭國柰叢樹間於其鄉
土北有山名曰因沙舊樹_{晉言帝石室}與大比丘衆
俱比丘五千菩薩二萬皆不退轉不起法忍
身口意定總攝三世獨步三界開化衆生應

一
遍

病與藥各令得所文殊師利彌勒菩薩等復
有諸天八萬四千悉志佛道爾時四部弟子
各往詣佛雖欲聽經不能專精厭所講法各
念言衆人患厭所宣道教不肯復來答受法
言不見如來不聞正法不入心耳心不思惟

不能修立

佛自念言吾欲示現如像宴處不自現形到
他方佛土與諸佛俱宣講諸佛之要集佛復
觀之諸佛世尊會於何方輒覩東方去是八
萬四千億諸佛世界國名普光佛号天王如
來至真等正覺現在說法諸佛會彼

佛告阿難如來當入因沙舊室宴坐三月諸
天龍神阿須倫迦留羅真陀羅摩睺勒人與
非人若有來者解喻其意勿令入室阿難白
佛大聖垂恩有尊巍巍神妙諸天其威洞徹
身形微妙心意叵見往來周旋不能將護難
既弱劣無神足力離大德鎧神變所爲不及
目連大目連者如來咨嗟神足第一飛到十
方無所罣礙獨可委付護於後事

佛告阿難勿有此言如來至真不須人護今
佛觀察天上世間諸魔梵天沙門梵志諸天
人民及阿須倫無能作威動移如來無上至
真之所建立也汝且默然如來在衆能自將

護不須衛者又若阿難若有比丘比丘尼清
信士清信女諸天龍神阿須倫迦留羅真陀
羅摩睺勒人若非人來到尔所如來至真而
在宴坐汝當爲說如是道教法難可遇了義
亦難人身難得經道希有如來興世劫數時
出能信如來所宣經法出家爲道見善師友

能從啓受精進愛樂亦復難遭若復蒙覩明
經比丘講清淨法此不可得心好於施若遭
衆祐受於供養受能淨畢是亦難遇假使孝
順反復報恩又勤學問遵持經戒至死不毀
是亦難值若復有人愍哀衆生而發無上正
真道意適發心已尋能奉順隨佛之教究竟

莫六

二

菩薩是則最難矣佛告阿難如來宴坐四部
之衆諸天龍神阿須倫等人與非人來到尔
所欲聽經法當爲宣傳如是法教

佛復語阿難汝承佛教爲宣如斯如來至真
無數方便隨時化人棄捐非法迷惑邪見汝
等承命修正真教阿難於彼何謂邪見謂禮

他人妖僞之術敬於諸天奉事鬼神枯骨朽
木山樹江河泉源石神天地日月東西南北
北斗社君蟒蛇鳥獸麋鹿蛟龍承事若干殊
異魍魎是謂邪見復次阿難計受吾我著人
壽命斷滅計常是謂邪見舉要言之當復爲
汝說彼邪見若族姓子及族姓女自起妻想

欲得聲聞緣覺之乘若欲得佛當取滅度是
悉邪見復次阿難如來至真在於宴處當爲
解說如斯法要汝等學人當慕法義樂於法
樂以法爲上念修清淨好於篤信多所歡悅
慚愧恭恪戰戰恐畏在於三界不疑解脫慈
悲喜護行四等心所經歷處席能應時忍辱
和雅謙遜下意但歸於義不取嚴飾唯歸於
慧不取識著唯歸妙經不取綺辭唯歸正法
不取於人教令遵修深妙法忍所言解度謂
三脫門勤奉空行不計吾我修於無相棄捐
希望遵行無願消除所誓當爲衆生說十二
因緣一切諸法從因緣起設無因緣則無所
起亦無所滅當審諦觀十二緣起察其根源
而奉行之彼若不諦觀十二緣而致此難當
云何觀阿難當知十二牽連悉無所生無所
生者不起法忍若不生念是爲審諦觀十二
緣當復分別賢聖正行為衆說法何謂聖諦
所行誠信其聖諦者若以心聽計於聖諦無

莫六

三

而奉行之彼若不諦觀十二緣而致此難當
云何觀阿難當知十二牽連悉無所生無所
生者不起法忍若不生念是爲審諦觀十二
緣當復分別賢聖正行為衆說法何謂聖諦
所行誠信其聖諦者若以心聽計於聖諦無

誠無欺無誠欺者以是之故名曰聖諦真諦
之義是謂誠信而無所生其真諦者實爲真
正爲離欲諦爲信脫諦無言辭諦無所行諦
不造業諦無所有諦無應不應無舉無下諦
則爲一諦無有罪諦不滅度諦則無爲諦假
使阿難解一切法不起不滅悉無所住無異

衆生是謂賢聖諦以故如來說如此法賢明
弟子行於無爲欲曉了慧令苦不起至無所
生是謂苦諦若遭惱患在於苦痛不集諸行
斷於因緣因緣已斷是曰棄於集諦矣若能
永滅盡一切苦長無所生是謂盡諦何謂道
諦若修道誼不爲二業善不善法入一品明

求如是路是則名曰爲三脫門諸過去佛及
與弟子曰是道路至無所至而取滅度是爲
名曰八賢聖路一日正見二曰正念三曰正
言四曰正業五曰正治六曰正方便七曰正
意八曰正定以此護意因說平等性已平等
則於諸法不懷望想此乃名曰還入徑路又

復阿難說法若是汝等精勤歸四意止爲諸
衆會班宣解說三十七品道行之法使立法
教何謂於彼三十七品若住順義悉達自然
假文字耳若等文字如來以此建立諸法是
諸文字亦自然空不生不壞若有說者不說
亦等不增不減所以文字以等故等假使阿
難比丘等知文字是道品法所住順義又復
阿難如來在宴若有天龍鬼神犍沓惣人非
人來當爲講說三世平等何謂爲三過去以
滅當來不現現在無住墮在顛倒是亦本淨
一切諸法亦復悉空無有三世亦無所住過
去已空當來亦空現在亦空亦如空空無空

莫六

四

亦空知三世空人空亦如是三世空名曰平
等入於一義無有若干若爲說法能除三界
乃爲安耳何謂能除三界若有比丘應時思
惟而觀察之欲界色界無色界者心想所生
其思想者亦無所有其無所有了三界已無
想不想無進無怠無所建立亦不誓願不思

不念皆捨心念得三脫門懇懃專精而修明
證奉三脫門空無相願何謂三脫得至明證
不捨平等暢於諸法無作不作知一切法皆
當歸盡不入於禪意不墮落不計有一亦無
若干是三脫門而得明證又復阿難當爲說
法使去五陰何謂爲五色痛想行識是爲五

陰若受此者則爲盛陰不受無陰假使修行
處於閑居當作此觀如來常說色如聚沫痛
痒如泡想如野馬行如芭蕉心識如幻佛光
踰日慧越虛空親自說言教告修行者當作
此觀如來所講可入義者吾不解了不即啓
解欲界如聚沫是亦空耳色界亦無無色無
處不著三界其不倚者則無處所聚沫無我
無人壽命以是之故一切諸法無人衆生悉
如聚沫水泡野馬芭蕉識如幻化其幻亦空
不著三界若遊諸法不著三界無有處所則
無所倚其幻化者不復處當我人壽命其了
實者亦無我人壽命之本其觀五陰如是無

處則無五陰又復阿難當復說法分別消除
內外六入具分別之何謂內外六入如來常
說其吾我空所以者何悉本淨故眼耳鼻口
身意亦空本淨無身假使本淨空無諸入則
無色聲香味細滑法處設無眼耳鼻口身意
無因緣識無內六入何謂外六入於一切法
悉無所受亦無所捨從思想生外諸六入不
習諸入則無處所佛語阿難如來宴坐若有
人來當爲解說如是法義佛建威神顯其變
化若有應器當應度者悉聞此法其餘衆人都
不見聞覩佛默然口無所說講是法時五千
比丘漏盡意解四萬二千天子遠塵離垢

得法眼淨三百比丘尼得阿羅漢七千衆人
得離愛欲
爾時世尊教阿難已復告阿難汝詣石室當
爲如來布其座席唯用芻草如來坐上三月
宴處阿難白佛當施牀榻布令細軟用芻草
爲佛告阿難且止且止諸過去佛如來至真

等正覺皆用芻草以爲座席不以柔軟服飾重坐爲佳快也修順道法乃爲大安阿難受教即從座起捨於聚會出外求草應時無數百千億天各取柔軟天上好草著阿難前阿難即取持詣石室爲佛敷設芻草之座敷設適竟應時無數百千億天人各取天衣敷著

草上所敷衣具其數甚多設著天下不能悉受佛之威神變所敷衣高四寸耳佛從座起入於石室無量妙樂不敢自鳴天雨衆華大千世界積至于膝佛適宴坐三昧正受化其石室皆如水精三千世界諸有衆生德本純淑悉見如來坐於石室猶如明鏡見其面像

佛演右掌百千億光其光普照三千大千世界日月之光悉爲覆蔽當尔之時一切衆生除姪慾不懷自大貢高嫉妬亦無勞倦諭訟之患慈心相向如父母兄弟如子如身等無有異對尊三昧其行永定無住無業自然如空行無望想三千大千世界六反震動應

莫六

時佛土見佛威神神力變化二萬二千天子皆發無上正真道意各取天華散於石室以供養佛遶室三匝忽然不現天所散華悉覆山間化爲佛寺其香普周三千世界莫不聞香佛便變身詣於天王如來至真等正覺所至普光世界爾時十方江河沙等刹土諸佛因五濁衆生難化故皆現詣天王佛所亦如能仁如來至真彼土若斯姪慾盛自大憍慢反逆不孝諛詔邪念志僞不等所以者何本土衆生不往見佛不肯啓受既有所聞不聽不入不思奉行以故諸佛善權方便而坐宴室更化變形詣普光世界天王佛所講說分別諸佛要集何謂諸佛要集諸佛世尊所戴衆行已備無所復進最後究竟愛愍衆生故名諸佛要集經典之義如來至真滅度之後當爲衆生發去覆蓋諸佛大聖則是法王德過須彌智超江海道越虛空不可爲喻用一切愚懈怠放逸不順法教復受經法鄙

等何故懈廢迷荒纏綿蘊蓋不免三趣諸佛
世尊見此義故合要集法于時於彼普光世界
不可計會無數諸佛悉共集會其土何故
而謂普光波土純真無有聲聞緣覺之名皆
諸菩薩充滿備悉其土菩薩各各自有金色
光明相好嚴身光曜普照靡不通遍故謂普

莫六

七

光何謂諸佛要集則如真諦遵崇諸法何謂
諸法何謂爲崇何謂爲遵一切諸法悉爲一
法此諸法者亦無有法亦無非法亦不可說
所以者何其無法者則無所生亦無所起而
爲說法不久長存以假言耳內有六入外亦
六入五陰諸種及與諸入是謂一切所有以
假言耳分別章句一切諸法如真諦觀則無
五陰四種諸入無有斷滅亦無有常無有堅
固是故言曰諸法無言一切諸法本淨則空
無有其名其命所說亦無所有一切諸法及
與名號皆亦自然悉無所有是諸佛要集何
謂爲崇謂崇儉怕悉無所生崇於無欲崇於

真諦崇於無本而崇法界崇於本際諸法悉
空崇此真諦一切諸法皆無所住無所習行
無行不行威儀禮節不取當來無我無所諸
所受業則無君主亦無被服不可見觀爲究
竟盡故不可盡假有文辭其無盡者則無所
生其爲本淨謂志儉怕亦無所生捨離所生
及無所生已所崇者無聲無寂無能墮落亦
無退者除諸勸助則無有底亦不無底不起
無生講宣平等亦無想念無近無遠亦無足
迹故謂爲崇是所崇者謂入法城一切諸法
假有号耳無來無往無得無不得無有將往
亦無還反不正不邪不闇不見無念無知不
恐不懼無愛無處無寂不寂不鹿不細不長
不短不中不彼不來不藏不得因緣不安不
危悉不曉了亦無所行無所興廢亦無燭除
不令發起不養不眠不思不想不達不念無
有限節所念無量無守無護無所呼來不度
彼岸不有處不無處不斷滅不計常不失不

得無去來今無慧無不慧不衆不寡無音無言亦無所入無恐無字亦不入文不動不搖不遠不近無禮無不禮不希名稱亦無吾我無人壽命不戒不犯不忍不諍不進不怠不所不無所非不清非無清非空非無空不身不無身不講名号等如虛空無卑無不卑不

莫六

八

教化不願不離不作無不作以無殃疊亦不除罪無想無不想不動不捨施亦不授之初不與之不調不寂不滅不等不使灰盡不塵不離塵不墮不落不染無不染不忘不念亦不愁亦不憂感無思無不思無應無不應無雙無隻不遊不在不此際不彼岸不彼不此不臨岸不陸地無底無中不牲度無能度者不動迹不志願不退轉不合會不斷不壞不還合不相比不著不脫不取無不取不虛空無不空光明無底不愛壽命無人無教常當講說捨諸處所是入法城其不入者著菩薩字說無著法不見住處斯謂爲崇是佛要集

何謂爲遵諸法常住住於法界其能奉行如是法者是謂爲遵何謂爲法所名法者不念於法無所除毀不懷希望無不希望設無所望亦無想報若不想報則除一切望想不造多不爲少不起不斷不念過去不想當來不住現在如是行者等於三世則無言說不用

住故而致衆生是謂爲法是故如來演此言教佛興不興相住如故法界亦然法界住者法界寂然以何等故名曰爲法致寂然者以純淑渝因此故曰諸法寂然何謂無純計是我所自謂有身因緣諸見名色思想處所言辭識知依倚所謂名号心思稱量觀察本末

莫六

九

意所思惟受諸五陰四大諸入我當勸助開化三界以當棄捐婬怒癡名奉修道教證三脫門致於道迹往來不還至羅漢道吾當思念修四意止四意斷四神足根力覺意至於八道三十七品照明四事滅盡塵勞是爲聲聞名曰不淳於彼何謂爲寂然者行菩薩乘

發大心言我當成佛慕求道慧於此所行我當布施捨于慳貪施以法財淨其禁戒斷於衆缺謹慎守行建立忍辱刈其瞋恚爲柔軟行當修精進除懈怠垢遵修勤偽處於閑居修於正受教化爲師逮得一心從三昧起念般若波羅蜜奉行其義智度無極開化衆生以求佛道一切諸佛由般若波羅蜜生逮成佛道降伏衆魔則轉法輪度脫人民以佛無爲而令滅度究竟佛慧學諸佛事宜揚如來十力之業佛十八法諸力根本四無所畏分別辯才多所暢達菩薩所說建立應念出入進退是爲處所一切望想諸所受取敢可施行無有此法是謂純淑寂然之無其寂然者斯謂爲法是則名曰諸佛要集

佛言復次所言諸佛要集則是初發菩薩心者言教之謂何謂初發菩薩心者謂無從生所以者何於一切心而無有心其無心者則無所生無所生者是初發心因得逮致無所

從生法忍又初發意菩薩心者堅固其志於此菩薩當發其心猶若金剛何謂發心如金剛者菩薩發心有十事行爲若金剛何謂爲十一日遊於無量生死之難二日一切所有施無所吝三日常有等心加於衆生四日我皆當度一切衆生以佛滅度而滅度之五日

度衆生已亦無有人至滅度者解一切法無所生故六日分別曉了一切諸法七日常加精進無所遺漏八日其慧普入靡所不達九日具一切智了入一門十日諸所愛重無有增減不以貪惜斷諸所著是爲菩薩發心十事心如金剛是佛要集佛言菩薩復有發心

莫六

皆於三界不起衆想不起無想又佛要集謂當奉行六度無極何謂爲六有俗檀波羅蜜沒於世俗不應度世亦有度世檀波羅蜜不墮於俗持戒忍辱精進一心般若波羅蜜亦復如是或有行俗般若波羅蜜不應度世或有行度世般若波羅蜜不墮於俗何謂爲俗

檀波羅蜜不應度世於是菩薩廣有所施供給沙門外學梵志貧窮乞匁不安己者飢者與食渴者與漿車乘象馬牀卧衣被金銀珍寶妻子男女國邑墟聚外諸所有若干種物無所愛惜悉能惠捨作是施以計於吾我倚其所施今我所出供養彼人受之我爲施主

無所貪惜以從佛教行檀波羅蜜今所施者以反施心願及一切衆生之類逮此勸助今我所施當使衆生永得安樂作是施者有三著礙何謂為三一計吾我二計他人三計望想施是為俗檀波羅蜜不應度世何者余乎纏綿在俗不得度故何謂度世檀波羅蜜不墮於俗能淨三品何謂為三一於是菩薩若布施時不得吾我二不見受者而有所取三有所施未曾望想而求還報也是謂為三有菩薩施以用勸助一切衆生若施衆生不見受者而有所取則用勸助於無上正真之道彼不察見所取食法是則名曰度世檀波羅

莫六

十一

蜜所以者何得度世故何謂在俗謂五盛陰之所覆蓋能捨此五則曰度世其無吾我無所想念心無所倚悉無所著是曰度世若已受戒謂他毀禁不應法行若復開化若干弟子因我得度我當成佛教濟衆生自計有身不解本無是俗尸波羅蜜不應度世雖已持戒不計吾我不見他人毀法亂禁悉等濟之不捨生死不倚無為雖度衆生悉了本無忍辱精進一心智慧亦復如是無所著者則應度世有所著者則墮於俗又諾世間書疏術呪章句算計五經六藝王者典籍神仙之業所學智慧而有希望是為墮俗般若波羅蜜若於俗間有所希望不以為慧曉空無相不願之法平等三世無去來今等於三塗解法身一不在生死不住滅度開化一切普無所住是為度世般若波羅蜜是佛要集說是語時天王佛國七那術菩薩悉達得無所從生法忍三千大千世界六反震動天兩衆華其

又佛要集者謂菩薩地所入之處何謂爲地
忻云入者於一切法悉無所入諸法無來亦
無有去一切諸法亦無所失不念道地亦無
所想修治其地不見處所何謂修治其地菩
薩修學第一住者有十事法何謂爲十一日
薩修學第一住者有十事法何謂爲十一日

清和其性二曰愍哀哀諸有形三曰等心欲
濟衆生四曰好喜布施救諸窮乏五曰親近
善友諮詢不逮六曰習求經典開化所疑七
曰數念捨家不慕居業八曰志求佛身達之
無形九曰開闡法施以示不及十曰蠲除自
大常奉誠信是爲初發意菩薩所行十法又
菩薩行二住常當慇懃奉行八法何謂八一
曰奉戒清淨而無點汙二曰常修孝順念報
恩德三曰得住勢力忍辱爲本四曰遵修恭敬
恪常懷悅豫五曰不捨一切衆生之類六曰
行無極哀未曾忘捨七曰奉敬師長視如世
尊八曰精進務求諸度無極是爲八法菩薩

行三住有五法何謂爲五一曰求於博聞而
不厭足二曰開闡顯施離衣食法三曰所興
德本勸助佛土四曰患厭無量生死之難五
曰住於羞恥常懷慙愧是爲五法菩薩行四
住復有十法何謂爲十一日習在閑居志常
寂靜二曰知其限葛心在止足三曰棄捐調
戲諷藝四曰常順禁戒未曾毀犯五曰厭五
所欲處調和地六曰而發其心永至成就七
曰一切所有皆能惠施心無所著八曰其心
常勇不懷法弱九曰一切所有無所愛惜十
曰所習德本以施衆生是爲十法菩薩學五
住復有十法何謂爲十一日捨於家業二曰
遠比丘尼三曰棄捐種姓慳嫉之念四曰離
於憤闘衆會之黨五曰而釋瞋恚鬪訟之本
六曰不自勦身不毀他人七曰除於十惡憍
慢之意八曰常刈四倒不順之教九曰翦於
貪姪瞋恚愚癡十曰去於墨礙望想之著是
爲十法菩薩學六住者當具六法諸度無極

不習六事何謂爲六一曰其心靖然不求聲聞二曰其心明了不慕緣覺三曰其心不捨一切衆生四曰見乞求者不懷怯弱五曰未曾修行愁慼之法六曰不慕高處綺飾之座是爲六法菩薩學七住捨二十事何謂二十不計身二不計人三不計壽四不計命五

莫六

十三

不計斷六不計常七不望想八不計報應見九不見名與色十不倚於五陰十一不貪於四大十二不依於裹入十三不著於三界十四而惡不親近十五永安無所著十六於無異無所作十七常不著佛乃至究竟十八未曾順從六十二見十九悉解諸法不誹謗空二十曰悉知本無不希望道以行此法具二十事何謂二十曉了空行明於無相分別無願淨修三場常懷愍哀慈於衆生不計衆生等觀諸法明解止門無所從生法忍無起聖慧宣一品義蠲除衆念去諸望想捨諸邪見滅塵勞穢寂然觀地其心調和志不懷害不

染結著是爲二十第八菩薩當行四法何謂爲四一曰心入衆生以神通慧而開化之二見佛土空所觀觀者令逮究竟三誓首佛身答受不及四既見佛身觀而審諦是爲四復有四法一具足曉了衆生根本隨其所好而爲示之二嚴淨佛土懸勸精學如幻三昧三從其衆生好喜應脫而濟度之四察於衆生所生五趣逐而解之是爲四第九菩薩當分別學善願之本從其所誓輒得成就識別諸天龍鬼神健脅想阿須倫迦留羅真陀羅摩休勒人與非人所說言辭則以辯才隨其音響而爲說法從在胎中悉曉了知及生墮地種姓眷屬在家出家坐佛樹下莊嚴道場一切功勳具足佛法靡不周悉第十菩薩則當名之如來至真若入此住處其地者乃謂諸佛之道地也号佛要集又佛要集等於文字所說亦等入於文字所說室門何謂文字所說室門一切諸法悉爲室門以何謂室門令

當來法無所生故諸法欲門除所著故其度
門者宣暢諸法究竟本末其行門者一切諸
法無放無捨不沒不生其名門者一切諸法
以離号字其名本淨無遠無失其輕門者悉
度諸法輕慢之戒及恩愛根報應因緣之所
由生其順門者宣揚諸法調定降伏其縛門

(莫六)

(十四)

者解一切法令與寂寘其焚門者燒除諸法
令其清淨其大門者於一切法無有罣礙無
著無脫其趣門者斷除諸法所歸音響不捨
元本其如門者曉了無本不進不動其隨門
者從一切法而發起之其處門者於一切法
亦無所處不懷憂惑其作門者不見諸法所
造種性其等門者於一切法奉修平等而不
退轉其垢門者計於諸法以離垢穢本末無
疵其受門者攝取諸法而不可得志於深妙
於六事入及一切法意得求寂其岸門者一
切諸法令度彼岸不見彼此度與未度其生
門者不得諸法生老病死其思門者一切諸

法悉為寂靜不念不捨無著不著其法門者
法界常住則以隨時興顯諸經其寂門者一
切諸法皆在憺怕靖寘之地而無患難其虛
門者一切諸法皆如虛空無本末無住其盡
門者諸法悉盡而不退轉悉亦滅其住門
者諸法無動無能搖者其慧門者因從其慧
無所習行悉無能知亦無不知無思無見其
斯門者一切諸法無應不應亦無合散曠其
言辭其闡門者雖遊諸法獨除諸垢其蓋門
者於一切法去諸覆蓋使如空無棄捐六事
其念門者而於諸法消化所生不念不忘其
已門者諸法皆由因空而起恐懼緣生衆苦
其去門者於一切諸法捨離斷滅有常之計
其數門者悉於諸法不舉所生諸所有數無
高無下其立門者一切法住住無所住除諸
所處其無門者雖在諸法無來無去不立不
坐不遊不寐無應不應其具門者存於諸法
具足無六無度不度無所周遍猶如虛空其

(莫六)

(十五)

陰門者皆於諸法解知五陰起無所起其響
門者解一切法無有音聲所謂無響永離文
辭其塞門者了於諸法雖處放逸而無馳騁
其固門者知於諸法解散堅強求令滅度其
消門者悉達諸法了其邊際而無處所無有
終始亦無有生猶如世尊計於文字無能堪

任倍加於言辭亦無所有亦復無名文字無
言亦不談語不執所向無書無讀所以者何
虛無實故諸法如是由此而有是入總持計
於無者暢入於空其能入此近菩薩行於諸
文字解無瘡病不爲文字之所繫著分別諸
法所由次第逮得聖慧音聲所由假使菩薩

九致總持所聞悉持未曾忘失十除諸疑網
無有猶豫十一通達不懷沉吟十二所在遊
居在於衆人不懷增減十三言辭柔和無不
鬱首十四若聞麤言不以憂惑十五性不卒
暴而常安詳十六所住明了分別音響十七
了五陰品四大諸入報應因緣十八剖判諸
法靡不通達曉了諸法知人心念而爲說法
十九知處非處限與無限曉了智慧明解善
權隨時開化二十識別進退出入之事威儀
禮節解了羞恥執堅牢劍所可遊入興發無
上正真之道說是文字室印之門若聞若受
奉持諷誦適得聞之致十功勳一世世所生
十六

入此文字室印門迹若聞若受執念懷抱爲
他人說心不墮落則能蠲除二十衆結一其
志強而不怯弱二意念常存不爲恍惚三能
獨步無所忌難四其心堅強不懷羸劣五志
在著恥慙愧不遠六意能覺了靡不通達七
智慧巍巍莫不蒙曜八辯才之辭無一滯礙

又問何謂宣佛要集者等於三世嚴淨三場
逮無所生了真諦法解了三界暢達愁癡自
然無樂無斷無常無處無住其三乘者歸于
一門通達諸法而無所爭入無等倫無行無
步無相無比又計佛者未曾覺成逮最正覺
不決諸法知不得佛不逮慧亦不無慧不

合塵勞亦無瞋恨亦不取證不得不礙亦無

所行不住平等佛不得道亦無所失無法無
衆佛不得佛不想菩薩不解不縛一切衆生
本甚清淨佛不見法不聞不念亦無所教尊
無所說亦無言辭解諸佛者乃知無言初不

演音於當來世亦無所宣不教人說無慧不

慧佛非衆祐亦非淨畢衆祐之德佛不飲食
不施人食佛無有身亦無形體莫觀如來有
色身也無相無好無有經典及與法界佛不
出現亦不常存未曾滅度亦無所滅所以者
何一切諸法永滅度故佛不獨立不處大衆
無能見佛亦無聞者無有供養計諸佛法無

有若干亦復非一佛不得道不求處所不轉
法輪亦不退還佛如假號計如佛者音聲亦
如過去當來音響無異去來平等其平等者
則無偏黨其無偏黨彼無無量其無無量彼
無終云其無終云不行醫藥是佛要集所以
宣傳佛所講者欲以愍傷度衆生故佛無要
集亦不分別亦不講論要集之義

天王如來講說於此諸佛要集經典義時普
光世界萬二千菩薩皆悉逮得無所從生法
忍時諸菩薩都不自見若干億佛但覩一佛
天王如來

於是文殊師利住忍世界心自念言今日十

方各江河沙等諸佛世尊悉來集會東方佛
土天王佛所普共班宣佛要集法吾寧可往
詣彼世界奉見諸佛恣受經典吾常周行至
於十方誓首諸佛聽所說法於今悉集會一
佛土是時難值希未曾有如是比像無上聖
士顯出於世不可再遇難可見聞

文殊師利報彌勒菩薩曰可共俱往詣天王
佛普光刹士無央數佛百千億載悉會于彼
俱共班宣佛要集法當共聽受并見諸佛所
以者何諸佛世尊皆會一處難可值遇彌勒
菩薩答文殊師利曰仁者欲往便可進路吾
不行也所以者何諸佛會者道德巍巍不可

攀踰身不能見亦不堪任覩形聞音又文殊
師利莫以色像觀諸如來佛者法身法身叵
見無聞無養文殊師利問曰卿不供養於如
來乎彌勒答曰吾不供養所以者何如來至
真不可供養本無如來則無二故文殊師利
又謂所言無二爲何謂乎彌勒答曰其無二
者謂無所著不可稱載無有若干所言無二
不違二業何謂二業言此塵勞是懷瞋恨興
如是輩生滅之見此爲奉戒是爲毀禁妄想
彼此斯謂爲二此爲聲聞是爲緣覺斯平等
覺妄想如是則爲造二斯爲聲聞爲緣覺爲
佛懷如是想則曰爲二當除此法奉行其法

莫六

十八

證明其法此爲二分別其慧其不解慧假使
文殊念持二慧志在進退上至計佛則造二
業我於一劫若復過劫講說諸二所演辯才
而無窮極所以者何計諸二者而無有二敢
可班宣皆入一義一切諸法皆無若干文殊
師利答曰卿身今者墮大顛倒一切諸法悉
無所生強爲分別若干種辭反咎墮身我於

一劫若復過劫辯才無窮盡彌勒答曰因其
文字言有所著察一切法實無所生相不可
動時文殊師利謂餘菩薩諸族姓子俱共往
至天王佛所見諸如來聽受所說辯積菩薩
報文殊師利曰如來至真不可得見何因仁
者而發此教當共俱往見如來乎如來何在
而欲見耶曾聞佛說如來至真無去來今計
三世法皆悉空無故不可見向者文殊師利
有此教言往見如來以何等眼觀如來乎肉
眼見耶爲用天眼若以肉眼肉眼無見所以
者何肉眼空故空無所見若以天眼計於天

眼無有想念不以想念可見如來文殊師利告曰如族姓子今者所念無有如來亦無經典無見無養如辯積意所趣云言寧可講說分別言辭諸佛如來衆生往來供養奉事悉假文字字自然空以故平等此之謂也如來無言無本無轉悉自然空謂此二事悉平等

之奔走謗讟也與。且然古
上同陟交魚反言訶訓
斯疾彼剪字前剪此及
上窮窮窮窮窮窮窮
下交魚反言訶訓
斯疾彼剪字前剪此及
上窮窮窮窮窮窮窮

諸佛要集經卷下

西晉三藏法師竺法護譯

莫七

矣如來無言無本無轉其堪任者可共俱進
不肯者已吾當獨往
無形而現形亦不住於色欲以開化衆
現身而有教佛者無色會亦不著有爲
皆度一切數導師故現身

十九末

諸佛要集經卷上

諸佛要集經卷上
莫六

大千世界至于七而稽首諸佛却住一面爾時天王如來右面有一女人名曰離意結加趺坐以普月離垢光明三昧正受時天王佛心自念言文殊師利諸佛所嘆深入忍辱行於空慧無能逮者空靜寂寞以爲功勳今從忍界興心念來墮大顛倒極受吾

奔走免 諷藝上同 交反言詞下 魚祭反刮語也與直然上
反鄧翦剪 疣疾斯 反

諸佛要集經卷下

莫七

西晉三藏法師竺一法護譯

於是文殊師利飢虛於法而無厭倦獨已無
侶佛神所制使彼衆會無一從者文殊師利
如伸臂頃須臾之間從忍世界忽然不現至
普光土天王佛所於時文殊師利皆遶三千
大千世界至于七而稽首諸佛却住一面

爾時天王如來右面有一女人名曰離意結
加趺坐以普月離垢光明三昧正受

時天王佛心自念言文殊師利諸佛所嘆深
入忍辱行於空慧無能逮者空靜寂寔以爲
功勳今從忍界興心念來墮大顛倒極受苦